



Ўзбекистон Республикаси Олий ва  
Ўрта махсус таълим вазирининг  
23-сонли буйруғига  
4-илова  
«14» август 2021 йил

## Ўзбекистон Республикаси Олий ва ўрта махсус таълим вазирлиги тизимида коррупцион хавф-хатарларни баҳолаш ЙЎРИҚНОМАСИ

### 1-боб. Умумий қоидалар

1. Ушбу Йўриқнома Олий ва ўрта махсус таълим вазирлиги, унинг ҳудудий бошқармалари, бўйсунувчи марказлари ҳамда олий таълим, профессионал таълим (кейинги ўринларда – Вазирлик тизими)га юклатилган вазифа ва функцияларни бажариш жараёнида келиб чиқадиган коррупцион хавф-хатарларни баҳолашга қўйиладиган талабларни белгилайди ҳамда Вазирликда, унинг ҳудудий бошқармаларида, бўйсунувчи марказлари ва олий таълим, профессионал таълим муассасалари (кейинги ўринларда - бўйсунувчи марказлар ва муассасалар)да коррупцион хавф-хатарларни баҳолаш бўйича ягона ёндашувни шакллантиришга қаратилган.

2. Вазирлик тизимида коррупцион хавф-хатарларни баҳолашдан мақсад қуйидагилардан иборат:

Вазирлик тизими фаолиятини ҳар томонлама таҳлил қилиш орқали коррупциявий хавф-хатари юқори бўлган лавозимлар ва функцияларни аниқлаш;

Коррупцион хавф-хатарларни минималлаштириш борасида самарали профилактик чораларни ишлаб чиқиш.

3. Вазирлик тизимида коррупцион хавф-хатарларни баҳолаш қуйидагиларни ишлаб чиқишни назарда тутди:

коррупцион хавф-хатарларни минималлаштириш хариталари;

Вазирлик тизимида коррупцияга қарши кураш бўйича чоратadbирларни, масъул ижрочиларни, амалга ошириш механизмини ва уларни бажариш муддатларини ўз ичига олган дастур.

4. Вазирлик тизимида коррупцион хавф-хатарларни баҳолаш ҳар йили, истисно тариқасида қуйидаги ҳолларда амалга оширилади:

Коррупцион хавф-хатарларни дастлабки баҳолаш зарурати;

Ўзбекистон Республикаси қонунчилига ўзгаришлар киритилган тақдирда;

Вазирлик тизимининг ички ҳужжатларида функциялар ёки жараёнларни амалга оширилишига сезиларли таъсир кўрсатадиган ўзгаришлар киритилганда;

Вазирлик, унинг ҳудудий бошқармалари, бўйсунувчи марказлари ва муассасалари таркибида ўзгаришлар киритилганда, янги функциялар пайдо бўлганда, Вазирлик тизимида хавф-хатар функцияларни амалга ошириш хусусиятларида ўзгаришлар юзага келганда;

Вазирлик тизимида коррупцион хавф-хатарлар даражасига таъсир кўрсатиши мумкин бўлган бошқа мажбуриятлар юзага келганда.

5. Мазкур Йўриқномада қуйидаги асосий тушунчалар қўлланилади:

**Коррупцион хавф-хатарлар харитаси** - вазирлик тизимидаги орган ёки муассасада коррупцион хавф-хатарларни баҳолаш натижалари бўйича тузиладиган ҳужжат бўлиб, у ўз ичига давлат органи ёки муассасасининг функциялари ва жараёнлари рўйхатини, тегишли функцияларни амалга ошириш билан боғлиқ эҳтимолий коррупцион хавф-хатар(схема)лар тавсифини, коррупцион хавф-хатарларнинг мавжуд ёки қолдиқ даражасини, уларни камайтириш бўйича тадбирларни, амалга ошириш муддатларини, аниқланган коррупцион хавф-хатарларни камайтириш бўйича чора-тадбирларни амалга ошириш учун жавобгар ходимларни қамраб олади.

**Коррупцион хавф-хатарларни умумлашган харитаси** – вазирлик тизимида коррупцион хавф-хатарларни баҳолаш натижалари бўйича тузиладиган умумлашган ҳужжат бўлиб, у ўз ичига вазирлик тизимидаги функциялар ва жараёнларнинг умумий рўйхатини, тегишли функцияларни амалга ошириш билан боғлиқ бўлган, эҳтимолий коррупцион хавф-хатар(схема)лар тавсифини, коррупцион хавф-хатарларнинг мавжуд ёки қолдиқ даражасини, уларни камайтириш бўйича тадбирларни, аниқланган коррупцион хавф-хатарларни камайтириш бўйича чора-тадбирларни амалга ошириш учун жавобгар ходимларни қамраб олади.

**Коррупцион хавф-хатар** - вазирлик тизими ходимлари ёки учинчи шахслар томонидан вазирлик тизими номидан ва/ёки уларнинг манфаатларини кўзлаб кўзлаб коррупциявий хатти-ҳаракатларни содир этиш эҳтимоли ва хавфи, шу жумладан:

*табиий хавф-хатар* - вазирлик, ҳудудий бошқарма, бўйсунувидаги марказ ёки муассаса учун хос хавф-хатар тури бўлиб, уни камайтиришга қаратилган чора-тадбирларни ижросини инобатга олмаган ҳолда амалга ошириладиган функциялар ва фаолиятнинг ўзига хос хусусиятлари (яъни, мавжуд коррупцияга қарши кураш сиёсати ва тартиб-таомилларни,

шунингдек хавф-хатарни камайтириш ҳамда жорий этилган назорат чоратадбирларини инобатга олмаган ҳолда);

*Қолдиқ хавф-хатар* - вазирлик, ҳудудий бошқарма, бўйсунувидаги марказ ёки муассаса томонидан хавф-хатарга қарши чораларни кўрганидан кейин қоладиган хавф-хатар тури (яъни, мавжуд коррупцияга қарши кураш сиёсати ва тартиб-таомилларни, шунингдек хавф-хатарларни камайтириш ҳамда жорий этилган назорат чоратадбирларини инобатга олган ҳолда);

**Коррупциявий ҳаракатлар** – ходим томонидан пора берувчининг манфаатларини кўзлаб ҳаракат ёки ҳаракатсизлиги учун бевосита ёки билвосита, шахсан ёки учинчи шахслар орқали порани, яъни пул, қимматбаҳо қоғозлар, бошқа мол-мулкни, мулкий тусдаги хизматларни, бошқа мулкий ҳуқуқларни олиш, талаб қилиш, таклиф қилиш, ваъда қилиш, шунингдек пора бериш ва (ёки) олишда воситачилик қилиш, расмиятчиликларни соддалаштириш учун тўловларни олиш, ходим томонидан пора олиш ёки ҳуқуққа хилоф бошқа мақсадларда ўз хизмат мавқеидан ноқонуний фойдаланиш;

**Коррупцияга оид ҳуқуқбузарлик** – коррупция белгиларига эга бўлган, содир этилганлиги учун Ўзбекистон Республикаси қонун ҳужжатларида жавобгарлик назарда тутилган қилмиш;

**Комплаенс назорат ва коррупцияга қарши курашиш бўлими** – Ўзбекистон Республикаси Олий ва ўрта махсус таълим вазирлигининг таркибий бўлинмаси Вазирлик тизимида коррупцияга қарши курашиш учун масъул бўлинмалар;

**Коррупцион хавф-хатарларни баҳолаш** – Вазирлик, ҳудудий бошқармалар, бўйсунувидаги марказлар ва муассасаларнинг амалга оширадиган вазифаларини таҳлил қилиш, уларнинг коррупцион хавф-хатарларга мойиллиги даражасини аниқлаш, шунингдек тегишли функциялар доирасида амалга ошириладиган жараёнлар учун табиий ва қолдиқ хавф-хатарларни баҳолаш бўйича фаолият тури;

**Тартиб** – битта шахс томонидан бажарилиши асосида битта гуруҳга бирлаштирилиши мумкин бўлган ёки битта натижага йўналтирилган ёки маълум бир жараённинг ажралмас элементи бўлган Вазирлик, ҳудудий бошқарма, бўйсунувчи марказ ёки муассаса функцияларини амалга ошириш доирасидаги ҳаракатлар мажмуи;

**Функция** – бир неча тартиб-таомиллар йиғиндисини ташкил этувчи Вазирлик, ҳудудий бошқарма, бўйсунувчи марказ ва муассаса фаолиятининг ички жараёнларидан бири (фаолият йўналиши).

**Эксперт хулосаси** - Вазирлик тизимидаги бўлинма ёки ходимнинг субъектив қарашлари ёки фикрига, маълум бир далил ёки жараёнга асосланган қарор.

6. Вазирлик тизимидаги коррупциявий хавф-хатарларни баҳолаш уни амалга ошириш муддатлари кўрсатилган ҳолда, Олий ва ўрта махсус таълим вазирининг кўрсатмалари асосида амалга оширилади.

7. Коррупцион хавф-хатарларни баҳолаш ишчи гуруҳлар томонидан амалга оширилади, уларнинг таркиби қуйидагича тасдиқланади:

вазирлик учун - вазир томонидан;

ҳудудий бошқармалар, бўйсунувчи марказлар ва муассасалар учун - тегишли идора ёки муассасалар раҳбарлари томонидан.

8. Вазирлик, ҳудудий бошқарма, бўйсунувчи марказ ёки муассасанинг ишчи гуруҳлари таркибига қуйидагилар киради:

Вазирликнинг Комплаенс назорат ва коррупцияга қарши курашиш бўлими ёки координатор/ тегишли ҳудудий бошқарма ёки бўйсунувидаги муассасада коррупцияга қарши курашиш бўлими ходими;

вазирлик, ҳудудий бошқарма, бўйсунувидаги марказ ёки муассаса функциялари (вазифалари)ни бажарувчи таркибий бўлинмалар раҳбарлари;

коррупцион хавф-хатарлар даражасини баҳолаш учун етарли билим ва тажрибага эга бўлган Вазирлик тизимининг бошқа ходимлари.

9. Комплаенс назорат ва коррупцияга қарши курашиш бўлими вазирликдаги коррупцион хавф-хатарларни баҳолашни амалга оширади, шунингдек, вазирликнинг барча ҳудудий бошқармаларида, унга бўйсунувчи марказлар ва муассасаларда хавф-хатарларни баҳолашни (ҳудудий бошқармалар, бўйсунувчи марказлар ва муассасаларда коррупцияга қарши курашиш учун масъуллар/координаторларни жалб қилган ҳолда) амалга оширилишини ташкил қилади, шу билан бирга қуйидаги вазифаларни ҳам бажаради:

вазирлик тизимидаги коррупцион хавф-хатарларни баҳолаш жараёни устидан умумий назоратни олиб бориш;

мазкур Йўриқномада назарда тутилган тартибга риоя қилиш юзасидан ҳудудий бошқармалар, бўйсунувчи марказлар ва муассасаларда, шунингдек, вазирликнинг марказий аппарати бўлинмаларида коррупцияга қарши курашиш бўйича масъулларга / координаторларга маслаҳат беради;

худудий бошқармалар, бўйсунувчи марказлар ва муассасалардан олинган коррупцион хавф-хатарлар хариталарини умумлашган коррупцион хавф-хатарлар харитасига жамлайди;

вазирга, тегишли худудий бошқармалар, бўйсунувчи марказлар ва муассасалар раҳбарларига хавф-хатарни баҳолаш натижаларини ва коррупцион хавф-хатарларнинг умумлашган харитасини тақдим этади;

вазирлик тизимидаги коррупцион хавф-хатарларни камайтириш бўйича чора-тадбирларни амалга оширилишини назорат қилади ва мувофиқлаштиради;

зарурат туғилганда, вазирлик таркибий бўлинмалари раҳбарлари ва координаторларидан ёки худудий бошқармалар, бўйсунувчи марказлар ва муассасалардаги коррупцияга қарши курашиш учун масъул шахслардан қўшимча маълумот ва ҳужжатларни сўрайди;

коррупциянинг пайдо бўлишига олиб келувчи шарт-шароитлар ва сабабларни бартараф этишга доир тадбирларни амалга оширишга қаратилган таклифлар киритади;

худудий бошқармалар, бўйсунувчи марказлар ва муассасалар томонидан коррупцияга қарши курашиш бўйича дастурларни кўриб чиқиш натижасида уларни қабул қилишнинг мақсадга мувофиқлиги тўғрисида хулосалар тайёрлайди;

ушбу Йўриқномада назарда тутилган бошқа вазифаларни ҳам бажаради.

10. Тегишли худудий бошқармалар, бўйсунувчи марказлар ва муассасаларда коррупцияга қарши курашиш бўйича масъуллар/координаторлар коррупцион хавф-хатарларни баҳолашни амалга оширади ва ташкил қилади, шунингдек улар қуйидаги вазифаларни бажаради:

коррупцион хавф-хатарларни баҳолашни амалга ошириш юзасидан ишчи гуруҳлар фаолиятини мувофиқлаштиради;

тегишли бошқармалар, марказлар ва муассасаларда коррупцион хавф-хатарларни баҳолаш жараёнини назорат қилиб боради;

тегишли худудий бошқармалар, бўйсунувчи марказлар ва муассасаларнинг бўлинмаларига мазкур Йўриқномада назарда тутилган тартиб-қоидаларга риоя этиш юзасидан маслаҳатлар беради;

зарурат туғилганда тегишли худудий бошқармалар, бўйсунувчи марказлар ва муассасалар раҳбарларидан қўшимча маълумот ва ҳужжатларни сўраб олади;

худудий бошқармалар, бўйсунувчи марказлар ва муассасаларда коррупцион хавф-хатарлар хариталарини тузади;

ушбу Йўриқномада назарда тутилган тартибда коррупцион хавф-хатарлар хариталарининг зарурий келишувини таъминлайди;

тегишли худудий бошқармалар, бўйсунувчи марказлар ва муассасаларда коррупциянинг пайдо бўлишига олиб келувчи шарт-шароитлар ва сабабларни бартараф этишга доир тадбирларни амалга оширишга қаратилган таклифлар киритади;

тегишли худудий бошқармалар, бўйсунувчи марказлар ва муассасаларда коррупцион хавф-хатарларни камайтиришга доир тадбирларни амалга оширилишини мувофиқлаштиради ва назорат қилади;

ушбу Йўриқномада назарда тутилган бошқа вазифаларни ҳам бажаради.

## **2-боб. Коррупцион хавф-хатарларни бирламчи баҳолаш**

11. Коррупцион хавф-хатарларни бирламчи баҳолаш вазир буйруғи ва худудий бошқармалар, бўйсунувчи марказлар ва муассасалар раҳбарларининг тегишли буйруқлари асосида Вазирликда, барча худудий бошқармаларда, бўйсунувчи марказлар ва муассасаларда амалга оширилади.

Вазир буйруғи лойиҳасини Комплаенс назорат ва коррупцияга қарши курашиш бўлими томонидан тайёрлайди. Буйруқ лойиҳасида мазкур Йўриқномада назарда тутилган ҳар бир босқични амалга ошириш муддатлари аниқ кўрсатилиши лозим.

Коррупцион хавф-хатарларни бирламчи баҳолашнинг умумий муддати 3 ойдан ошмаслиги керак.

12. Коррупцион хавф-хатарларни бирламчи баҳолаш ўз ичига функцияларнинг коррупцион хавф-хатарга дуч келиш даражасини олдиндан баҳолашни ва тегишли функциялар доирасида Вазирлик тизими ходимлари томонидан бажариладиган айрим тартиб-таомилларда коррупцион хавф-хатарлар даражасини баҳолашни қамраб олади.

13. Коррупцион хавф-хатарларни бирламчи баҳолаш мазкур бобнинг 14-20-бандларида кўрсатилган тартибда ва кетма-кетликда пастдан (худудий бошқармалар, бўйсунувчи марказлар ва муассасалардан) юқорига (Вазирлик даражасигача) амалга оширилади.

14. Биринчи босқичда ишчи гуруҳлар раҳбарлари мазкур Йўриқноманинг 1-илоvasида келтирилган функцияларни таснифлаш шакли (кейинги ўринларда - шакл) асосида вазирлик тизимининг таркибий

бўлинмалари томонидан амалга ошириладиган функциялар ва тадбирлар тавсифини ишлаб чиқиш бўйича кўрсатмалар тайёрлашади.

Топшириқда тўлдирилган шаклларни ишчи гуруҳга топшириш муддати (10 иш кунидан кам бўлмаган) кўрсатилади.

Шаклларни тўлдириш xls ёки doc. электрон форматида амалга оширилади. Шаклларга қўшимча устунлар қўшишга йўл қўйилмайди.

Вазирлик тизимининг таркибий бўлинмалари раҳбарлари шаклларни қуйидаги тартибда тўлдирадилар:

Шаклга функциялар доирасида бажариладиган вазифалар ва тартиб-таомилларнинг тўлиқ рўйхати, шунингдек уларни бажаришга масъул бўлганлар киритилади;

ўз тажрибаларига ҳамда ушбу Йўриқноманинг 4-бобида келтирилган мезонларга асосланиб, ҳар бир функциянинг коррупция хавф-хатарига дучор бўлиш даражаси баҳоланади;

ўз тажрибаларига ҳамда ушбу Йўриқноманинг 4-бобида келтирилган мезонларга асосланиб, ҳар бир тартиб-таомойилга хос бўлган хавф даражаси баҳоланади;

коррупцион хавф-хатарга<sup>1</sup> кўпроқ мойил бўлган функцияларга тааллуқли тартиб-таомиллар учун қуйидаги маълумотлар тўлдирилади:

— ушбу тадбир доирасида амалга оширилиши мумкин бўлган эҳтимолий коррупцион сценариялар (хавф-хатарлар);

— коррупция сценарийларини (хавф-хатарларини) амалга ошириш хавфини камайтиришга қаратилган антикоррупцион тадбирларини бажарилиши;

— антикоррупцион тадбирларни амалга ошириш учун масъул ходимларни;

— антикоррупцион тадбирлар белгиланган норматив-ҳуқуқий ва ички ҳужжатларни;

— шунингдек, ўз тажрибалари ва ушбу Йўриқноманинг 4-бобида кўрсатилган мезонларга асосланиб, қолдиқ коррупцион хавф-хатарлар даражаси баҳоланади.

---

<sup>1</sup> Коррупцион хавф-хатарларга кўпроқ мойил бўлган функциялар билан боғлиқ тадбирлар учун коррупцион хавф-хатарларни баҳолашда чекланган ресурслар (кадрлар, моддий-техник ва молиявий)дан оқилона фойдаланиш учун тақдим этилади. Агар Вазирлик тизимида етарли ресурслар мавжуд бўлса, ушбу маълумотлар коррупция хавфига энг кам мойиллик касб этувчи функцияларга тегишли бўлган тадбирлар учун ҳам тўлдирилади.

Вазирликнинг таркибий бўлинмалари, ҳудудий бошқарма, бўйсунувчи марказ ёки муассаса томонидан тўлдирилган шакллар таҳлил қилиш мақсадида **Комплаенс назорат ва коррупцияга қарши курашиш бўлими** – Ўзбекистон Республикаси Олий ва ўрта махсус таълим вазирлигининг таркибий бўлинмаси ходимларига/координаторларига ёхуд ишчи гуруҳи таркибига киритилган коррупцияга қарши курашишга масъулларга юборилади. Функциялар/тадбирлар ҳамда уларга берилган хавф-хатар даражаларига оид саволлар ва камчиликлар аниқланган тақдирда, Комплаенс назорат ва коррупцияга қарши курашиш бўлими ходимлари/координаторлар ёки коррупцияга қарши курашиш бўйича масъуллар томонидан функциялар/тадбирларни бажариш учун масъул бўлган таркибий бўлинма раҳбарларига изоҳ бериш ва/ёки Шаклларни тўғрилаш бўйича сўровнома юборилади. Жавоб хати Комплаенс назорат ва коррупцияга қарши курашиш бўлими ходимлари/координаторлар ёки коррупцияга қарши курашиш бўйича масъулларга сўров олинган кундан бошлаб 2 иш кунидан кўп бўлмаган муддатда юборилиши зарур.

Комплаенс назорат ва коррупцияга қарши курашиш бўлими ходимлари/координаторлар ёки коррупцияга қарши курашиш бўйича масъуллар ўзларининг эксперт хулосаларига таянган ҳолда функциялар ва/ёки тадбирларнинг коррупцион хавф-хатарлар даражасини ўзгартиришлари мумкин, шунингдек тузилмавий бўлинмалар томонидан бажарилган хатарларни баҳолашга бошқа ўзгартиришлар киритишлари мумкин.

Тўлиқ тўлдирилганлик нуқтаи-назаридан шаклларни таҳлил қилиш, хатарлар даражасини аниқлаш Йўриқномага амал қилиш, турли таркибий бўлинмалар томонидан шаклларни тўлдириш ўртасида номувофиқлик натижаларига кўра, Комплаенс назорат ва коррупцияга қарши курашиш бўлими ходимлари/координаторлар ёки коррупцияга қарши курашиш бўйича масъуллар вазирлик, тегишли ҳудудий бошқарма, бўйсунувчи марказ ёки муассасанинг коррупцион хавф-хатарлари хариталарини мазкур Йўриқноманинг 3-иловасида кўрсатилган шаклда тўлдирадилар, шунингдек коррупцион хавф-хатарларни камайтириш бўйича чора-тадбирларни ишлаб чиқадиладар.

Комплаенс назорат ва коррупцияга қарши курашиш бўлими ходимлари/координаторлар ёки коррупцияга қарши курашиш бўйича масъуллар коррупцион хавф-хатарларни камайтириш бўйича чора-



тадбирларни хавф-хатарлар харитасига киритиш жараёнида тегишли таркибий бўлинмалар раҳбарлари билан келишадилар.

Агар Комплаенс назорат ва коррупцияга қарши курашиш бўлими ходимлари/координаторлар ёки коррупцияга қарши курашиш бўйича масъуллар ҳамда таркибий бўлинма раҳбарлари аниқланган хавф-хатарлар, функциялар ва тадбирларни баҳолаш даражаси, хатарларни камайтириш ва бошқа масалаларда келиша олмаса, ҳар икки томоннинг позицияси Вазирлик, тегишли ҳудудий бошқарма, бўйсунувчи марказ ёки муассасанинг коррупцион хавф-хатарлар харитасида ўз аксини топади ёхуд тегишли ишчи гуруҳга кўриб чиқиш учун тақдим этилади.

Комплаенс назорат ва коррупцияга қарши курашиш бўлими ходимлари/координаторлар ёки коррупцияга қарши курашиш бўйича масъуллар Вазирлик, тегишли ҳудудий бошқарма, бўйсунувчи марказ ёки муассасанинг коррупцион хавф-хатарлар харитасини ишчи гуруҳларга кўриб чиқиш ва тасдиқлаш учун киритадилар. Ишчи гуруҳлар йиғилиши натижалари бўйича баённомалар тузилиб, унда қабул қилинган қарорлар қайд этиб борилади. Баённомалар барча ишчи гуруҳлар аъзолари томонидан имзоланади ва Комплаенс назорат ва коррупцияга қарши курашиш бўлими ходимларида сақланади.

Вазирлик, ҳудудий бошқармалар, бўйсунувчи марказлар ва муассасаларнинг коррупцион хавф-хатарлар хариталарини тузиш ва келишиш муддати функция/тадбирларни бажариш учун масъул бўлган таркибий бўлинмалар раҳбарларига шаклларни тақдим этиш учун белгиланган кундан бошлаб 20 иш кунидан ошмаслиги керак (коррупцион хавф-хатарларини баҳолаш бўйича вазир буйруғида кўрсатилади).

15. Ишчи гуруҳлар томонидан ҳудудий бошқармалар, бўйсунувидаги марказлар ва муассасаларнинг коррупцион хавф-хатарлар хариталарини тасдиқланганидан сўнг, координаторлар ёки коррупцияга қарши курашиш бўйича масъуллар уларни Комплаенс назорат ва коррупцияга қарши курашиш бўлимига юборадилар.

16. Комплаенс назорат ва коррупцияга қарши курашиш бўлими ҳудудий бошқармалар, бўйсунувчи марказлар ва муассасаларнинг коррупцион хавф-хатарларининг умумлашган хариталарини мазкур Йўриқноманинг 3-иловасида келтирилган шаклда тайёрлайди, шу асосда Вазирлик, ҳудудий бошқармалар, бўйсунувидаги марказлар ва муассасаларнинг коррупцион хавф-хатарлар хариталари тайёрланади.

17. Агар саволлар ва камчиликлар аниқланса Комплаенс назорат ва коррупцияга қарши курашиш бўлими коррупцияга қарши курашиш бўйича координаторлар/масъулларга ҳамда ҳудудий бошқармалар, бўйсунувчи марказлар ва муассасаларнинг тегишли раҳбарларига аниқланган камчиликлар юзасидан сўровнома юборади. Жавоб хати сўров олинган кундан бошлаб 2 иш кунидан кўп бўлмаган муддатда тақдим қилиниши шарт.

18. Коррупцион хавф-хатарларнинг умумлашган харитасини тузиш Комплаенс назорат ва коррупцияга қарши курашиш бўлимига коррупцион хавф-хатарлар харитасини тақдим этиш учун белгиланган кундан бошлаб 10 иш кунидан ошмаслиги зарур (коррупцион хавф-хатарларини баҳолаш бўйича вазир буйруғида кўрсатилади).

19. Қолдиқ коррупцион хавф-хатар даражаси юқори бўлган тадбирлар учун Комплаенс назорат ва коррупцияга қарши курашиш бўлими, ҳудудий бошқармалар, бўйсунувчи марказлар ва муассасаларнинг коррупцияга қарши курашиш бўйича координаторлари/ масъуллари коррупцион хавф-хатарга кўпроқ мойил бўлган лавозимлар рўйхатини мазкур Йўриқноманинг 5-иловасига мувофиқ ишлаб чиқадилар.

20. Вазирлик, ҳудудий бошқармалар, бўйсунувчи марказлар ва муассасаларнинг коррупцион хавф-хатарларининг якуний харитаси ҳамда коррупцион хавф-хатарга кўпроқ мойил бўлган лавозимлар рўйхати Комплаенс назорат ва коррупцияга қарши курашиш бўлими, мазкур бошқармалар, марказлар ва муассасаларда коррупцияга қарши курашиш бўйича масъулларнинг таклифлари асосида вазир ва тегишли ҳудудий бошқармалар, бўйсунувчи марказлар ва муассасаларнинг раҳбарлари томонидан тасдиқланади.

Коррупцион хавф-хатарларнинг умумлашган харитаси вазирликнинг Комплаенс назорат ва коррупцияга қарши курашиш бўлими тавсиясига асосан вазир томонидан тасдиқланади.

### **3-боб. Коррупцион хавф-хатарларни кейинчалик (хар йилги) баҳоланиши**

21. Вазирлик тизимида коррупцион хавф-хатарларни кейинчалик баҳолаш вазир буйруғи ва тегишли ҳудудий бошқарма, бўйсунувчи марказ ва муассасалари раҳбарлари буйруқлари асосида доимий тарзда, йилда бир мартаба амалга оширилади.

Вазир буйруғи лойиҳасини Комплаенс назорат ва коррупцияга қарши курашиш бўлими тайёрлайди. Буйруқ лойиҳасида мазкур Йўриқномада назарда тутилган ҳар бир босқични ижро этиш муддатлари мажбурий тартибда кўрсатилади.

Коррупцион хавф-хатарларни кейинчалик (ҳар йилги) баҳоланиши муддати 2 ойдан ошмайди.

22. Коррупцион хавф-хатарларни ҳар бешинчи кейинчалик (ҳар йилги) баҳоланиши (яъни 5 йилда бир марта) коррупцион хавф-хатарларни бирламчи баҳоланиши тартибида ўтказилади (2-боб).

23. Вазир ва тегишли ҳудудий бошқармалар, бўйсунувчи марказлар ва муассасалар раҳбарлари буйруғи асосида Комплаенс назорат ва коррупцияга қарши курашиш бўлими, ҳудудий бошқармалар, бўйсунувчи марказлар ва муассасаларнинг коррупцияга қарши курашиш бўйича масъуллари/координаторлари Вазирлик таркибий бўлинмалари, ҳудудий бошқармалар, бўйсунувчи марказлар ва муассасалари раҳбарларига Сўровнома (мазкур Йўриқноманинг 2-илоvasи) юборади, унда раҳбарлар ўз бўлинмаларининг функциялари ва тартиботларидаги ўзгаришларни олдинги коррупцион хавф-хатарларни баҳолашга таққослашлари лозим, шу жумладан қуйидаги ахборотни:

Вазирлик тизими бўлинмалари томонидан бажариладиган функциялар ва/ёки тартиботларга таъсир ўтказувчи қонунчиликда қандайдир ўзгаришлар юз бердим;

Вазирлик, унинг ҳудудий бошқармалари, бўйсунувчи марказлар ва муассасалари функциялари ва/ёки тартиботларини амалга оширишга таъсир қилган ёки таъсир қилиши мумкин бўлган фаолиятда ёки бошқа давлат органлари тизимида ёки бошқа ташқи таъсирлар қандайдир ўзгаришлар содир бўлганми;

коррупцион хавф-хатарларни якуний баҳолашдан бошлаб функция ва/ёки тартиботда, ички ҳужжатлар асосида тартибга солинувчи функция ва/ёки тартиботда қандайдир ўзгаришлар содир бўлганми;

коррупцион хавф-хатарларни олдинги баҳолаш билан назарда тутилган коррупцион хавф-хатарларни камайтириш бўйича тегишли чора-тадбирлар амалга оширилганми;

Вазирлик тизими таркибий бўлинмаларида функциялар ва/ёки тартиботларни бажариш тартибига таъсир қилиши мумкин бўлган бошқа ҳолатлар мавжудми.

24. Комплаенс назорат ва коррупцияга қарши курашиш бўлими, ҳудудий бошқармалар, бўйсунувчи марказлар ва муассасаларнинг коррупцияга қарши курашиш бўйича масъуллари/координаторлари Вазирлик, ҳудудий бошқарма, бўйсунувчи марказлар ва муассасаларнинг тузилмавий бўлинмалари раҳбарлари томонидан тўлдирилган Сўровномаларни йиғиб олади, уларни таҳлил қилади ва киритилган ўзгаришларни белгилаб, Вазирлик, тегишли ҳудудий бошқармалар, бўйсунувчи марказлар ва муассасаларнинг коррупцион хавф-хатарлари хариталарига ўзгаришлар киритади.

Сўровномаларни тўлдириш бўйича саволлар ва эътирозлар пайдо бўлганда, Комплаенс назорат ва коррупцияга қарши курашиш бўлими, ҳудудий бошқармалар, бўйсунувчи марказлар ва муассасаларнинг коррупцияга қарши курашиш бўйича масъуллари/координаторлари томонидан Вазирлик, тегишли ҳудудий бошқармалар, бўйсунувчи марказлар ва муассасаларнинг тузилмавий бўлинмалари раҳбарларига талабнома юборади. Мазкур сўровга жавоб 2 иш кунда тақдим этилиши лозим.

Коррупцион хавф-хатарлар хариталарига тузатишлар киритиш муддати таркибий бўлинмалар раҳбарлари, функция/тартиботни бажарилишига масъуллар учун Сўровномалар тақдим қилиш учун белгиланган муддатдан 10 иш кундан ошмаслиги керак (коррупцион хавф-хатарларини баҳолаш бўйича вазир буйруғида кўрсатилади).

25. Коррупцион хавф-хатарлар хариталарини тузатилган шаклини (уларда белгиланган ўзгаришлар билан) ҳудудий бошқармалар, бўйсунувчи марказлар ва муассасаларда коррупцияга қарши курашиш бўйича масъуллари/координаторлари Комплаенс назорат ва коррупцияга қарши курашиш бўлимига юборади.

26. Комплаенс назорат ва коррупцияга қарши курашиш бўлими коррупцион хавф-хатарларнинг умумлашган харитасини тайёрлайди ва унда олдин ўтказилган коррупцион хавф-хатарларни баҳолашга солиштирган ҳолда ўзгаришларни белгилайди.

Тегишли саволлар ва эътирозлар пайдо бўлганда, Комплаенс назорат ва коррупцияга қарши курашиш бўлими, ҳудудий бошқармалар, бўйсунувчи марказлар ва муассасаларнинг коррупцияга қарши курашиш бўйича масъуллари/координаторлари томонидан Вазирлик, тегишли ҳудудий бошқармалар, бўйсунувчи марказлар ва муассасаларнинг таркибий

бўлинмалари раҳбарларига талабнома юборади. Мазкур сўровга жавоб 2 иш кунида тақдим этилиши лозим.

27. Коррупцион хавф-хатарларнинг умумлашган хариталарини тайёрлаш даври Комплаенс назорат ва коррупцияга қарши курашиш бўлимига коррупцион хавф-хатарлар хариталарини тақдим этиш учун белгиланган вақтдан бошлаб 10 иш кунидан ортмаслиги лозим (коррупцион хавф-хатарларини баҳолаш бўйича вазир буйруғида кўрсатилади).

28. Қолдиқ коррупцион хавф-хатарларнинг юқори даражаси билан тавсифланадиган тартиботлар учун Комплаенс назорат ва коррупцияга қарши курашиш бўлими, ҳудудий бошқармалар, бўйсунувчи марказлар ва муассасаларнинг коррупцияга қарши курашиш бўйича масъуллари/координаторлари томонидан мазкур Йўриқноманинг 5-илоvasи асосида коррупцион хавф-хатарларга энг кўп дуч келадиган лавозимлар рўйхатини ишлаб чиқади.

29. Вазирлик, ҳудудий бошқармалар, бўйсунувчи марказлар ва муассасаларнинг коррупцион хавф-хатарларининг якуний харитаси ҳамда коррупцион хавф-хатарларга энг кўп дуч келадиган лавозимлар рўйхати Комплаенс назорат ва коррупцияга қарши курашиш бўлими, ҳудудий бошқармалар, бўйсунувчи марказлар ва муассасаларнинг коррупцияга қарши курашиш бўйича масъуллари/координаторлари тавсиясига кўра вазир, тегишли ҳудудий бошқармалар, бўйсунувчи марказлар ва муассасалар раҳбарлари томонидан тасдиқланади.

Комплаенс назорат ва коррупцияга қарши курашиш бўлими тавсияси асосидаги Коррупцион хавф-хатарларининг умумлашган харитаси вазир томонидан тасдиқланади.

#### **4-боб. Вазирлик тизимида амалга ошириладиган функция ва тартиботларда коррупцион хавф-хатарлар даражасини баҳолаш Йўриқномаи**

30. Коррупцион хавф-хатарларни баҳолаш ташқи ва ички ахборот манбаларининг маълумотлари асосида таҳлил қилинади, шу жумладан:

коррупцион хавф-хатарларни баҳолаш ўтказиладиган функцияларни амалга оширишни тартибга солувчи Вазирлик тизими ички ҳужжатлари ва норматив-ҳуқуқий ҳужжатлари (масалан, таркибий бўлинмалар тўғрисидаги низом, ходимларнинг лавозим йўриқномалари ва бошқалар);

ички текширувлар, шу жумладан хизмат текширувлари материаллари;

ички аудит ва коррупцияга қарши мониторинг натижалари;  
одоб-ахлоқ қоидалари бўйича Комиссия йиғилишлари натижалари;  
манфаатдор томонлар, таълим хизматларини олувчилар, экспертлар ва бошқа манфаатдор шахслар билан ўтказилган сўровнома, шу жумладан социологик тадқиқотлар натижалари бўйича олинган Вазирлик ходимлари томонидан амалга оширилган коррупцион ҳатти-ҳаракатлар фактлари ҳақидаги хабарлар;

Вазирлик тизими фаолияти соҳасида ҳуқуқбузарликлар ҳақидаги статистик маълумотлар;

коррупцион ҳатти-ҳаракатлар тўғрисида хабарлар учун мўлжалланган алоқа каналларига фуқаро ва юридик шахслар томонидан мурожаатлар, шу жумладан “Ишонч телефонлари”, Президент виртуал қабулхонаси ва Бош вазир қабулхонасига мурожаатлар;

Вазирлик тизими ходимлари томонидан ахлоқ-одоб қоидаларига риоя қилмаслик фактлари ёки уларнинг коррупцион ҳатти-ҳаракатлари тўғрисидаги маълумотлар акс эттирилган фуқаролик жамияти мурожаатлари ва ОАВдаги маълумотлар;

ижтимоий тармоқлардаги изоҳлар;

ҳуқуқни муҳофаза қилиш органлари томонидан тақдим қилинган материаллар, шу жумладан прокурорнинг жавоб чоралари, жиноий ишлар бўйича материаллар ва бошқалар.

31. Коррупцион хавф-хатарларни баҳолаш жараёнида Вазирлик тизимидаги ҳар бир функция ва тартиботларни коррупцион ҳатти-ҳаракатларни амалга ошириш эҳтимоли нуқтаи-назаридан чуқур таҳлил қилиш зарур.

32. Ҳар бир функция қуйидаги мезонлар бўйича баҳоланади:

коррупцион хавф-хатарларга энг кўп мойил бўлган функция;

коррупцион хавф-хатарларга энг кам мойил бўлган функция.

33. Функция қуйидаги ҳолларда коррупцион хавф-хатарларга энг кўп мойил бўлган ҳисобланади:

Вазирлик, ҳудудий бошқармалар, бўйсунувчи марказлар ва муассасаларнинг таркибий бўлинмаларига юклатилган кузатув ёки назорат функциясини амалга оширилиши;

функция доирасида фуқаролар ва/ёки юридик шахслар билан тўғридан-тўғри шахсий ўзаро алоқа амалга оширилади;

функцияни бажариш натижаси сифатида Ўзбекистон Республикаси қонунчилигида ва ички ҳужжатларда белгиланган тадбирларни келишиш ва тасдиқлаш, давлат намунасидаги ҳужжатлар, рухсатномалар, хулосалар (шу жумладан баҳолаш хулосалари) берилиши;

функция доирасида Вазирлик тизимининг бюджет маблағлари ва/ёки мулки бегоналашуви амалга ошади ёхуд Вазирлик тизимининг бюджет маблағлари ва мулкани олувчилар танланади;

функция доирасида товарларни етказиш, ишлар бажариш ва хизматлар кўрсатиш учун буюртмаларни жойлаштириш амалга оширилади;

функция доирасида Вазирлик тизими ихтиёридаги ер участкалари, бошқа кўчмас мулк объектларини ижарага олиш бўйича шартномаларни тузиш ҳуқуқи берилди;

функция доирасида субъектив кўрсаткичларга кўра бир неча номзодлар (жисмоний ёки юридик шахслар) таққосланади;

функция доирасида моддий-техник ресурсларнинг сақланиши ва тақсимланиши амалга оширилади;

Вазирлик тизимидаги таълим муассасаларида Якуний давлат аттестацияси ўтказилади;

Вазирлик тизимидаги таълим муассасаларига абитуриентларни қабул қилиниши;

Вазирлик тизимидаги таълим муассасалари талабаларининг ўзлаштириш натижаларини баҳолаши;

Вазирлик тизимида талабалар ўқишини кўчириш, қайта тиклаш, талабалар сафидан чиқариш масалалари бўйича қарорлар қабул қилиш, шунингдек Якуний давлат аттестациясини қайта топширишга рухсат берилиши;

Мазкур функция билан боғлиқ текширишлар натижасига кўра коррупцион ҳаракатлар тўғрисида ахборот бериш учун мўлжалланган алоқа каналлари орқали тасдиқланган хабарлар ёки шикоятларнинг мавжудлиги;

мазкур функцияни амалга ошириш доирасида коррупцияга оид фактлар ёки гумонлар тўғрисидаги ахборотни (шу жумладан ижтимоий тармоқлардаги изоҳларни инобатга олган ҳолда) чоп этилиши;

функцияни амалга оширувчи таркибий бўлинма раҳбари лавозимига вакант ўриннинг мавжудлиги ёхуд таркибий бўлинма раҳбарларининг тез-тез алмашинуви;

функция билан боғлиқ бўлган коррупцион қонунбузарликлар тўғрисида ҳуқуқни муҳофаза қилувчи органлар, бошқа давлат органлари, маҳаллий ўз-ўзини бошқариш органлари ва уларнинг мансабдор шахслари томонидан тақдим этилган материалларнинг мавжудлиги;

хизмат вазифаларини бажариш жараёнида манфаатлар тўқнашуви бўйича тасдиқланган фактларининг мавжудлиги, шу жумладан хизмат вазифаларини бажариш жараёнида фаворитизм, непотизм (қариндош-уруғчилик), маҳаллийчилик, гуруҳбозлик ҳолатларининг мавжудлиги.

34. Мазкур Йўриқноманинг 33-бандида кўзда тутилмаган ҳолатларда функция коррупцион хавф-хатарга энг кам даражада мойил деб ҳисобланади.

35. Ўрганилаётган функция доирасида бажариладиган тартиб-таомилларга хос бўлган хавф-хатарни баҳолаш қуйидаги мезонлар асосида амалга оширилади:

- *юқори хос хавф* функция доирасида амалга ошириладиган коррупцион хавф-хатарга энг кўп мойил бўлган тартиб-таомиллар учун ўрнатилади;
- *ўртача хос хавф* функция доирасида амалга ошириладиган коррупцион хавф-хатарга энг кам мойил бўлган тартиб-таомиллар учун ўрнатилади;
- *қуйи хос хавф* мазкур Йўриқномага киритилмаган, шундай бўлсада Ўзбекистон Республикаси коррупцион хавф-хатарлар юқори (коррупциянинг тарқалиши ва унинг қабул қилиниши бўйича Ўзбекистон Республикасининг халқаро рейтингларда жорий ҳолати асосида) мамлакат эканлигини инобатга олган ҳолда, Комплаенс назорат ва коррупцияга қарши курашиш бўлимининг асосланган хулосаларига кўра алоҳида ҳолларда қўлланилиши мумкин. Комплаенс назорат ва коррупцияга қарши курашиш бўлимининг асосланган хулосалари бўйича Ўзбекистон Республикасида коррупциянинг тарқалиши ва унинг қабул қилиниши бўйича мамлакатда умумий вазиятни яхшиланиши натижасига кўра, қуйи хос коррупцион хавф мазкур Йўриқномага киритилиши мумкин.

36. Эҳтимолий коррупцион сценарий (хатар)лар қуйидагиларни амалга ошириш имкониятидан келиб чиқиб шаклланади:

Ходимлар ва(ёки) ўзларининг яқин қариндошлари томонидан поралар олиш, шунингдек ходимнинг ўз хизмат вазифаларини виждонан бажармаслик эвазига асосланмаган юқори даражадаги мукофотларга, преференцияларга ва имтиёзларга (шу жумладан товарлар сотиб олишда имтиёзларга) эга бўлиши, турли даражадаги ташкилотлар ёки шахслар хизматларидан фойдаланиши;



таълим хизматларини олишда ва(ёки) кўрсатишда сунъий тўсиқларни яратиш;

белгиланган муддатларда қарор қабул қилмаслик ёхуд навбатдан ташқари тартибда тезкор қарор қабул қилиш, шунингдек алоҳида жисмоний ёки юридик шахсга нисбатан мавжуд талабларни айланиб ўтиш;

ҳужжатларга, маълумотларнинг электрон базасига билиб туриб нотўғри маълумотларни киритиш;

хизмат вазифаларини бажаришда манфаатлар тўқнашувига йўл қўйилиши, шу жумладан хизмат вазифаларини бажариш жараёнида фаворитизм, непотизм (қариндош-уруғчилик), маҳаллийчилик, гуруҳбозлик ҳолатларининг мавжудлиги.

37. Қолдиқ коррупцион хавф-хатар даражасини баҳолашда хавф ҳодисаси (мазкур Йўриқноманинг 6-иловасида келтирилган 6.1-жадвалдаги мезонлар) ва хавф ҳодисасининг юзага келиш эҳтимолини хатарлар аҳамияти матрицасидан фойдаланган ҳолда (мазкур Йўриқноманинг 6-иловасида келтирилган 6.2-жадвалдаги мезонлар) юзага чиқишига таъсир қилиши мумкинлигини ҳисобга олган ҳолда амалга оширилади.

### **5-боб. Коррупцион хавф-хатарнинг қолдиқ даражасини камайтириш чоралари**

38. Коррупцион хавф-хатарларнинг қолдиқ даражасини камайтиришга хизмат қилувчи тадбирлар, назорат ва ҳаракатлар қуйидагиларни ўз ичига олади:

Вазирлик тизимидаги функциялар ва тартиботларни тартибга солинганлиги;

таълим хизматларини кўрсатиш тартиботларини оптималлаштириш, асосланмаган чекловларни ва ортиқча маъмурий тартиботларни бартараф этиш, тартибга солишнинг бюрократик механизмларини чиқариб ташлаш, ихтиёрий ваколатлар миқдорини камайтириш, топшириладиган ҳужжатлар сонини ва қарор қабул қилиш муддатларини қисқартириш;

маъмурий тартиботлар ва бошқа ҳаракатлар қўлланиладиган Вазирлик тизими ходимлари ва мурожаатчи ўртасида тўғридан-тўғри мулоқотни максимал камайтириш, маълумот алмашинувининг электрон тизимини жорий этиш;

хизмат фаолиятини амалга ошириш жараёнида ахборот технологияларини қўллаш соҳаларини кенгайтириш, иш жараёнларини автоматлаштириш, видеокузатув воситаларидан фойдаланиш ва аудиоёзувларни қайд қилиш;

амалга оширилаётган давлат харидлари тўғрисидаги маълумотларни расмий веб-сайтда ҳамда бошқа ОАВларида жойлаштириш орқали тарқатиш;

давлат органида коррупция ҳолатлари бўйича жамоатчиликни хабардор қилишни рағбатлантиришга қаратилган биринчи навбатда фуқаролар, нодавлат ноижорат ташкилотлари ва ОАВ билан ўзаро ҳамкорлик шакллари кенгайтириш;

Вазирлик, унинг ҳудудий бошқармалари, бўйсунувчи марказлари ва муассасаларида маънавий-маърифий тадбирлар ва профилактик суҳбатларни ўтказиш, “Ишонч телефони” ва алоқа каналларини тарғиб қилиш;

коррупцияга қарши курашиш масалалари бўйича Вазирлик тизими ходимларини ўқитиш;

номзодлар танловини ўтказиш механизмини такомиллаштириш, уларни аниқ мезонларини ўрнатиш ҳамда шаффофликни таъминлаш, коррупцион хавф-хатарларга кўпроқ мойил лавозим эгалари Вазирлик тизими ходимларини мажбурий ротацияси тартибини тасдиқлаш;

бир киши томонидан қарорлар қабул қилиш ҳолатларини камайтириш, шунингдек қабул қилинган қарорлар натижалари бўйича Вазирлик тизими ходимлари томонидан ҳисобот беришда қўшимча шаклларни жорий этиш;

Вазирлик тизими ходимлари томонидан коррупцияга қарши курашиш ва манфаатлар тўқнашувини бошқариш масалалари бўйича ички ҳужжатларга амал қилиниши бўйича назоратни таъминлаш;

Вазирликда коррупцияга қарши курашиш тизими элементларини самарали амал қилишини таъминлаш.

39. Коррупцион хавф-хатарларни камайтириш бўйича чора-тадбирларни аниқлашда қуйидаги шартлар ўз аксини топиши зарур:

ҳар бир чора-тадбир тушунарли ва аниқ қилиб шакллантирилиши керакки, у Вазирлик тизими ходимларининг тўлиқ англашига хизмат қилиши зарур, унинг мақсади ва якуний натижаси конкрет коррупцион хавф-хатарларни камайтириш билан боғланган бўлиши лозим;

ҳар бир чора-тадбир учун амалга ошириш даврийлиги ва муддати ўрнатилган бўлиши, амалга ошириш учун масъул ижрочилар, шунингдек

унинг самарадорлигини баҳолаш ва амалга ошириш . мониторинги механизмлари белгиланиши керак.

40. Вазирликда, унинг ҳудудий бошқармаларида, бўйсунувчи марказларида ёки муассасаларида аниқланган коррупцион хавф-хатарларни камайтириш бўйича тадбирлар (ўзларининг коррупцион хавф-хатарлар хариталарига киритилган) Вазирлик ва унинг ҳудудий бошқармалари, бўйсунувчи марказлари ва муассасаларининг коррупцияга қарши кураш бўйича Дастурларига киритилади (мазкур Йўриқноманинг 4-илоvasи).

Коррупцион хавф-хатарлар хариталарида ўз аксини топган аниқланган коррупцион хавф-хатарларни камайтириш бўйича тадбирларни Вазирлик тизимининг коррупцияга қарши курашиш бўйича дастурларига киритилади.

41. Коррупцион хавф-хатарларни камайтириш бўйича тадбирлар ижросини бажармаслик ёки лозим даражада бажармаганлик учун жавобгарлик вазир ва тегишли ҳудудий бошқарма, бўйсунувчи марказ ва муассаса раҳбари зиммасига юкланади.

42. Вазирлик тизимида коррупцион хавф-хатарларни камайтириш бўйича тадбирлар ижроси назорати Комплаенс назорат ва коррупцияга қарши курашиш бўлими, ҳудудий бошқармалар, бўйсунувчи марказлар ва муассасаларнинг коррупцияга қарши курашиш бўйича масъуллари/координаторлари томонидан амалга оширилади.

#### **6-боб. Яқуний қоидалар**

43. Зарурият туғилганда, Вазирлик тизимида коррупцион хавф-хатарлар харитаси ҳамда коррупцияга қарши курашиш дастурига ўзгартириш ва қўшимчалар киритиш билан боғлиқ масалалар Комплаенс назорат ва коррупцияга қарши курашиш бўлими, ҳудудий бошқармалар, бўйсунувчи марказлар ва муассасаларнинг коррупцияга қарши курашиш бўйича масъуллари/координаторлари таклифига асосан вазир ва ҳудудий бошқармалар, бўйсунувчи марказлар, муассасаларнинг раҳбарлари томонидан кўриб чиқилади.

**Хатарларни бирламчи баҳолаш учун бажариладиган функциялар ва тартиботлар  
 ТАВСИФИ**

1. Бўлинма
  - 1.1. Орган ёки муассаса номи
  - 1.2. Бўлинма
  - 1.3. Бўлим
  - 1.4. Бошқарма
2. Тўлдириш учун масъул
  - 2.1. Фамилия ва исми
  - 2.2. Лавозими
  - 2.3. Алоқа учун (электрон почта, телефон)

№	Функция номланиши	Коррупцион и хавф- хатарга мўндаллик даражаси (юқори даражада мойил / кам даражада мойил)	Функция доирасида бажарила- диган тадбир номи	Тадбирни бажариш учун жавобгар шахслар (лавозим, бўлинма)	Эҳтимолий коррупцио и схема (хатар)ни қисқача тавсифи	Хос коррупци он хатар (юқори / ўртача / паст)	Мавжуд назорат тадбирлари/ коррупцион хатарларни камайтири ш бўлинча чоралар	Коррупцион хатарларни камайтириш бўлинча чоралар/назор ат тадбирларини тартибга солувчи норматив- ҳуқуқий ва ички ҳужжатлар	Коррупцион хатарларни камайтириш бўлинча чоралар/назор ат тадбирларини бажариш учун жавобгар шахслар	Коррупци он хатар эҳтимолини ги (юқори / ўртача / паст)	Коррупци он хатар оқибатла ри (юқори / ўртача / паст)	Қоллиқ хатар даражаси (юқори / ўртача / паст)	Изоҳлар (зарурат бўлганда)
1													
2													

**Коррупцион хавф-хатарларни кейинчалик баҳолаш юзасидан Олий ва ўрта махсус таълим вазирлиги  
тизимининг таркибий бўлинмалари функцияларини тавсифлаш бўйича саволнома  
ШАКЛИ**

**Илтимос, қуйидаги саволларга жавоб беринг (тўғрисини тагига чизиб қўйинг):**

1. Коррупцион хавф-хатарни яқуний баҳолашдан бошлаб қонунчиликда қандайдир ўзгаришлар содир бўлдимми? Агар жавоб ижобий бўлса, қуйидаги жадвалга тегишли маълумотларни киритинг.  
А) Ҳа      Б) Йўқ
2. Коррупцион хавф-хатарни яқуний баҳолашдан бошлаб Сизнинг таркибий бўлинмангиз бажарадиган функция таркибида ёки функция фаолиятини тартибга солувчи ички ҳужжагларда қандайдир ўзгаришлар содир бўлдимми? Агар жавоб ижобий бўлса, қуйидаги шаклга тегишли маълумотларни киритинг.  
А) Ҳа      Б) Йўқ
3. Коррупцион хавф-хатарни яқуний баҳолашдан бошлаб Сизнинг таркибий бўлинмангиз фаолиятида/давлат бошқаруви органлари таркибида функцияни амалга оширишга таъсир ўтказиши мумкин/ таъсир ўтказган қандайдир ўзгаришлар содир бўлдимми? Агар жавоб ижобий бўлса, қуйидаги шаклга тегишли маълумотларни киритинг.  
А) Ҳа      Б) Йўқ
4. Коррупцион хавф-хатарни олдинги баҳолашда назарда тутилган коррупцион хавф-хатарни қайтагириш бўйича тадбирлар амалга оширилдимми? Нима ва қачон амалга оширилганини ифодалаб беринг. Агар амалга оширилмаган бўлса ёки қисман амалга оширилган бўлса, нима учунлигини ёзиб беринг.  
А) Ҳа      Б) Йўқ      В) Қисман амалга оширилган
5. Олий ва ўрта махсус таълим вазирлиги тизимининг бўлинмаларида функцияни бажариш тартибига ва тадбирларни амалга оширилишига таъсир қилиши мумкин бўлган бошқа сабаблар мавжудми? Агар жавоб ижобий бўлса, қуйидаги жадвалга тегишли маълумотларни киритинг. А) Ҳа      Б) Йўқ

№	Вазирлик / ҳудудий бошқарма, бўйсунувчи марказ ёки муассаса номи	Вазирлик, ҳудудий бошқарма, бўйсунувчи марказ ёки муассаса бўлинимаси	Функцияни ўзгариши сабаблари	Функция ўзгаришлари тавсифи	Функция доирасида бажариладиган янги/ўзгартирилган тартиблар	Тартибларни бажарилишига масъул шахслар (исм-шарифи, лавозими)
1.1.1.						
1.1.2.						
...						

Вазирлик тизими органи/муассасаси \_\_\_\_\_

Бўлинма \_\_\_\_\_

Тўлдирувчи шахс лавозими \_\_\_\_\_

Тўлдирувчи шахс исм-шарифи \_\_\_\_\_

Имзо \_\_\_\_\_

Тўлдириш санаси \_\_\_\_\_

**Коррупцион хавф-хатар харитаси (умумлашган/ орган ёки муассаса - кераклисини тагига чизинг)**

Вазирлик / Худудий бошқари а, тасарруф идаги марказ ва муассаса лар номл	Функция нинг коррупц нон хатарга мойилли к	Функция доирасида бажарила диган тадбир номи	Тадби рни амалга ошири шга жавобг ар шахсл ар (лавоз ими, бўли ма)	Эҳтимо лий корруп цион схема (хатар) нинг қисқач а тавсиф и	Мас корруп цион хатар (юқори / ўртача / паст)	Мавжуд назорат тадбирл ари / коррупц нон хатарла рни камайти риш бўйича чоралар	Назорат тадбирла рини тартибга соловчи нормати в-	Назорат тадбирла рини амалга ошириш га жавобгар шахслар / мер по коррупц нон хатарлар ни камайти риш бўйича чоралар (лавозим и, бўлима)	Коррупц нон хатарни шг эҳтимол и (юқори / ўртача / паст)	Коррупц нон хатарни шг оқибатл ари (юқори / ўртача / паст)	Қолдик коррупц нон хатар даража си (юқори / ўртача / паст)	Коррупц нон хатарла рни камайти риш бўйича тақлиф этилади ган чоралар	Коррупц нон хатарни камайти риш бўйича тақлиф этилади ган чоралар масъул (лар)	Коррупц нон хатарни камайти риш чоралар ини амалга ошириш га масъул (лар)	Коррупц нон хатарни камайти риш чоралар ини амалга ошириш га масъул ари

**Вазирлик тизимида коррупцияга қарши курашнинг бўйича  
 ДАСТУР**

№	Вазирлик / худудий бошқарма, бўйсунувчи марказ ёки муассаса номи	Коррупция хавфини камайтиришга хизмат қилувчи чоралар/тадбирлар/тартиботлар	Амалга ошириш механизми	Ижро этиш муддатлари	Масъул ижрочилар (исм-шарифи, лавозим)
1.1.					
1.2.					
...					
2.1.					
2.2.					
...					



Ўзбекистон Республикаси Олий ва ўрта  
махсус таълим вазирлиги тизимида  
коррупцион хавф-хатарларни баҳолаш  
Йўриқномасига 5-илова

**Коррупцион хатарга мойиллиги юқори бўлган Вазирлик тизими лавозимлари  
РЎЙХАТИ**

<b>№</b>	<b>Вазирлик / худудий бошқарма, бўйсунувчи марказ ёки муассаса номи</b>	<b>Бўлинмалар функцияларини бажаришга масъул шахслар (лавозим)</b>	<b>Бўлинма номи</b>
1.1.			
...			
2.1.			
...			

**6.1-жадвал – Коррупцион хатар эҳтимоли даражасини аниқлаш мезонлари**

Эҳтимоллик	Таърифлаш
<b>Юқори</b>	<ul style="list-style-type: none"> <li>— Хос хавф даражаси юқори, ва</li> <li>— Назорат тадбирларининг мавжуд эмаслиги / кенг кўламли қайта ишлашни талаб қилувчи назорат тадбирларининг мавжудлиги, ва</li> <li>— Ички ҳужжатлар асосида тадбирларни аниқ регламентининг мавжуд эмаслиги, ва</li> <li>— Тартиботни автоматлаштиришнинг мавжуд эмаслиги/паст даражаллиги</li> </ul>
<b>Ўрта</b>	<ul style="list-style-type: none"> <li>— Хос хавф даражаси ўрта, ва</li> <li>— Тадбир тартибга солинган, унча кўп бўлмаган қайта ишлашни талаб этувчи назорат тадбирлари жорий қилинган, ёки</li> <li>— Тадбир тартибга солинган, қисман автоматлаштирилган, лекин етарли даражада шаффоф эмас. ёки</li> <li>— Хос хавф даражаси юқори, ва</li> <li>— Хавфни камайтириш учун етарли бўлган назорат тадбирларининг мавжудлиги, шу жумладан энг камида уч киши томонидан ўзаро функционал назорат(Вазирлик, ҳудудий бошқармалар, бўйсунувчи марказлар ёки муассасаларнинг турли таркибий бўлинмалари назорати)ни кўзда тутувчи Вазирлик тизими ички ҳужжатлари билан тартибга солиш, ва</li> <li>— Тадбир қисман ёки тўлиқ автоматлаштирилган.</li> </ul>
<b>Қуйи</b>	<ul style="list-style-type: none"> <li>— Хос хавф даражаси қуйи ёки</li> <li>— Хос хавф даражаси ўрта, ва</li> <li>— Хавфни камайтириш учун етарли бўлган назорат тадбирларининг мавжудлиги, шу жумладан энг камида уч киши томонидан ўзаро функционал назорат(вазирлик, ҳудудий бошқармалар, бўйсунувчи марказлар ёки муассасаларнинг турли таркибий бўлинмалари назорати)ни кўзда тутувчи вазирлик тизими ички ҳужжатлари билан тартибга солиш, ва</li> <li>— Тартибот тўлиқ автоматлаштирилган.</li> </ul>

6.2-жадвал – Коррупцион хавф-хатар таъсири даражасини аниқлаш мезонлари

Таъсир	Обрўга путур етказиш	Жавобгарлик
Юқори	— Хавф-хатар Вазирлик тизими обрўсига мамлакатлар /халқаро даражада катта таъсир қилади	— Вазирлик тизими ходимларига нисбатан жиноий иш очилиши
Ўрта	— ОАВда салбий ҳолатнинг ёритилиши; — Аҳоли ва ҳамкорлар томонидан салбий фикрлар ва шикоятлар билдирилиши; — Хавф-хатар Вазирлик тизими обрўсига маҳаллий даражада таъсир қилади.	— Вазирлик тизими ходимларига нисбатан маъмурий иш очилиши
Қуйи	— Аҳоли, маҳаллий ОАВлардан мавжуд ҳолатга изоҳ бериш борасида талаблар бўлиши мумкин	— Вазирлик тизими ходимларига нисбатан маъмурий иш очилиши

6.1-расм. Хавф-хатарнинг зарурийлик матрицасида жойлашуви (коррупция хавф-хатарнинг қолдиқ даражасини аниқлаш)

